

اداره مخصوصه

درسعادتده ياب على جوارنده

محل اداره :

مستطابق

اخطار :

مسلكنزه موافق آثار جديده مع المنوبه

قبول اولنور

درج ابدليني آثار اعاده اولنار

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شتون اسلاميه دن
بحث ايدر وهفته ده بردفعه نشر اولنور.

درسعادتده نسخه سى ۵۰ پاره در

صاحب و مؤسلى :

ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

قبراه دن مقوا بورو ايله كوندربليرسه سنوى
۲۰ غروش فضله آلير

آبونه بدلى

سنه لى ۸۰
التى آينى ۴۰
غروش »

هر طرف ايچون

۲ — ایکنجی ولایت: تار بوغاطای ولایتی اولوب او ولایتیه تابع قیرغیزلر آلتای ولایتی قیرغیزلرندن پک چوقدر. او ولایت قیرغیزلرینک عموم رئیس دخی اولاد جنکیزدن «مامیریک» توره (سلطان) در. [اولاد جنکیز خانی «سلطان» نامیله یادایتیک اوطرفده چوقدن عادت اولمشدر.]

تار بوغاطای ولایتی قیرغیزلرینه «شارالیه» «مامیریک» توره رئیسلیک ایتمکده در. رمع هذا قیرغیزلر کنیدیاری آره سسند طانیلمش قیله رئیسلیک نفوذی دها زیاده در. اولاد جنکیزدن اولان رئیسلیر نفوذلی قیله رئیسلی واسطه سیله اجرا ایلمکده درلر. چینگ ابکی ولایتده اوله رق قیرغیزلرک عددی تخمیناً بر میلیونه بالغ اولمقده در. حاضرده «قازاق» نامی طانیلیان عموم قیرغیزلرک نفوسی آلتی میلیون حساب ایلمکده اولوب چین تبعه سند اولانلردن باشقه سی روسیه تحت حکومتده درلر. حاضرده روسیه و چین حکومتلری بونلردن عسکر آلمایورلر. یالکیز بونلر حکومت ویرکی تکلیفاتیه مکلفدرلر.

بونلرک اصول تیشی حیوان بسله مک اولوب، بسله دکلری حیوانلرده قویون، صغیر [اینک]، آت، دوه حیوانلری در.

زنکین قیرغیزلرده قویون چوق اولدینی کبی آتده پک چوق ار لیور. بر، ابکی بیک آت مالک اولان قیرغیزلر نادر دکلدر. لکن قیرغیزلرک آتی اوراق یاپیده اولوب، بیوک آت نادر بولنماقده در. قیرغیز آتلی قاطریدن بر آز بیوکدر. قیرغیز آتی بینمک ایچون پک الویریشلی در، قیرغیز آتک اکثری یوز وهرست یورودیکی حالده یورولماز. قیدش اثناسنده تحت الصغر ۲۵ - ۳۰ درجه صوفلرده، صحرالرده کچنیر، آغایله قار آلتندن بیه جک چقاریر.

قیرغیزلر حیوان بسله مکله برابر زراعتده مشغول اولیورلر. اکثریا آت ندر حیواناتدن «داری» دیدکلری شینی یتشدیرلر. داری، آتک باشلیجه غذالری در. بوندن اونلر سوتله مخلوط بیک یاییورلر. بویمکک آدینه، کوجه، تعمیرایدلر. آتک باشلیجه غذاسی آت، سوت، داری کوجه سیدر. یتکلرنده باشقه تکلفات یوقدر. بعضاً جای ایچون «باورصاق» دیدکلری شی یاپسه لرده بونی یالکیز مسافر کادیکی وقت یاپیه رلر. بواپسه بغدادی اوننی خور یاپه رق، کسوب اوقافلا یه رق یاغ ایچنده قایناتوب پیشیرمکدن عبارتدر.

قیرغیزلر آراسنده جای استعمالی ده پک میدان آلمشدر. قیرغیزلر چایه شول قدر آلیشمش لردر که جای ایچمدیکی صباح قیرغیزک باشی آغیریر.

سوت نوعندن اولان یمکلری: قاطق [یوغورت]، قورط [ینر]، بیه [قیراغک بیوکی] سوتی، یعنی «قز» در.

بهارابتداسنده قیرغیزلر دنیایی اونوتورلر. قزدن تناول ایتدکن صوکر قیرغیزده قایغو قالماز. قیرغیزلر مکیفاتدن انفییهی پک چوق استعمال ایدرلر. انفییه «ناصبای» تعبیر ایدرلر.

ترک قومنده اولان دلشادلق قیرغیزده فوق الاماده زیاده در. قیرغیز

مانحن فیه مزده دابه یالکیز ارضده مبنوث ایکن ارض وسماده مبنوثدر دینلمک برمنوال مبسوط مجاز عقلی اولور. نکته سی تغاییده بیان ایدلیدی کیدر.

کرک نغلب، کرک مجاز عقلی علوم عربیه ده مسلم قواعد عربیه. دندر. قواعد عربیه ایسه لغت عربیه تابمدر. لغت عربیه اعتباردن قطع نظرله نفسنده ثابت، علوم حقیقه دن دکلدر. فقط لغت عرب توسطیله قواعد عربیه نک نفسنده ثبوتی واردر. بواجلدن لغت عربیه مطابقتیه صدق، عدم مطابقتیه کذب ایله متصف اولور.

شمدی یه قدر بسط اولنسان تقریرات عاجزانه دن مشار الیه بیضاوینک توجیه ثانیسی قواعد عربیه دن تغلب ویا مجاز عقلی یه توافق ایتدیکی بونلرک لغت عربیه موافق اولدینی تحقق ایتمکله صاحب مقاله نک توهمات واهییه قاییلهرق توجیه ثانی مذکور قضایه عقله مفایدر دیور و نقضی قانون مناظره و آدابدن خروجدر.

مقاله عاجزانه ده ابتداسندن انتها سنه قدر سرد اولنسان فقراتدن قرآن حکیمک کشفیات صادقینی منطوی اولوب کشفیات کاذبه یی محتوی اولمدینی مستفاد اولور.

بولوادیندن مدرس یونس زاده

عالم اسلام

چین مسلمانلری

قیرغیزلر (قازاقلر):

چین قیرغیزلری ایکی ولایتیه تابع در:

۱ — مارالذکر آباق کرای قبائلی آلتای ولایتیه تابع اولوب عموم قبائلیک رئیس زادکان دن «توره» تعبیر ایتدکلری اولاد جنکیز خاندن «جنکسکخان» سلطاندر. توره منصبی بوذاته توارناً کیشدر. بوذاتک لوازمی چین مأمورلری «گونک» تعبیر ایدرلر. «ویس کورول» دیمکدر. بوذاتک بابالری واسطه سیله بذرندن قالمش رتبه سی منصبی چین ایمپراطوری طرفندن ویراش قزل کوران [ویشنه رنکی] طاش اولوب اول طاش چین قالباغی اوزرینه قویولوب برده طاروس قویروغندن برتوی ایله تزین ایدلمشدر.

بوذات بو قالباغی کیدیکی وقت ولایتک والیسی بوذاته سجده ایدرک تعظیم قیلمقده در. چین مأمورلری: — بز بوذاته سجده ایتبورز، بلکه بز آنک باشنده کی شانی بیوک طاشه سجده ایدرز، دیرلر.

چین مأمورلری قیرغیزلر خصوصسند اولان امرلری اوذات واسطه سیله اجرا ایدیورلر. قیرغیزلر طوغیزدن طوغری یه قاریشما یورلر.

نادر مکدر اولیور. او، هر وقت کندی قسمته راضی. آج اولسون طوق اولسون صحرا ده سالم و صاف هوا ده حریر و مکه مفتخر در لر. قیرغیزلر بد اوتی ترکه حالا راضی دکدر لر. مع هذا برایکی سنه دبری روسلر قیرغیزلر اراضینه روس مهاجری کتیروب مهاجر قریه لری تأسیس ایتکه باشلامش لر در. قیرغیزلر روسیه تبعه لکنی محاربه سز قبول ایلدکلری وقت انلرک اراضیسی قیرغیزلرک ملک طانیلمق، تعلیمات دینه ایچون روسیه حکومتی قیرغیزستانه مقتدر اسلام، الری کوندرمک، آنلردن صولدت [عسکر] آلامق، عرف و عادتلرینه دو قونماق کبی شرطلره روس تبعه لکنی قبول ایللمش لر دی.

لکن روسلر او وعدلری، اوتعهدلری چوقدن اونوشلر در. بریجه سنه لر دبری قیرغیزلر آواسنه مخصوص مسیونرلر تعیین ایلدی، قیرغیزلری روسلر شیرمنه چالیشیور لر. قیرغیزلر ایچنه کیروب تعلیم ایله مشغول اولمق تاتارلره یاساق اولمشدی. دوما قانون اساسیسی اعلان ایلدکلر صکره کرچه بو خصوصلر برآز ایللشدی ایسه ده قیرغیزلر اراضیسنک مصادره سی حالا دوام ایدیور. بو خصوصه قیرغیزلر حکومته مراجعت ایتدیلر. پروتستو ایتدیلر، اما هیچ کار ایتدی. حکومت قانون موجبجه قیرغیزلرلری میری اولوب فقط قیرغیزلره موقت فائده لکم ایچون ویرلمش اولوب خزینه کندیته اراضی لزوم کوردکده آلمایه وایستدیکی کیمسه یه ویرمه حق لیدر، دیهرک مصادره سنده دوام ایدیور. بوسه بیدن ناشی برچوق برده روسیه قیرغیزلرینک حالی غایت اندیشه لیدر.

بووقته قدر مدیتک لزومنی، بد اوتک زمانلره مناسب سز لکنی قیرغیزلره آکلاتمق ممکن اولدی. بعضیلری مدیتک لزومنی بیلوب قریه تأسیسیله زراعت کیریشمک تشبثنده بولنسه لرده، بونلر اقل قایل اولدیغندن، حالا بد اوتی مدیتسه ترجیح ایله صحرائشین یاشامقدن وازچکمک ایسته میور لر. اسکیدن معتاد اولمان بر معیشتک مسافه واسعه ده دوران ایدن بیوک بر قومه قبول ایتدیرلمسی چوق مشکل مسئله در. حالا حکومت قیرغیزلره هر نفوس و ذکوره ۱۵ دیساتینه [بر دیساتینه ۲۱۶۰۰ مربع ذراع مساحه در.] پرویرمه یه و اول برده اصول مدنیله ایله چالیشمق شرطیله موافقت کوستریور.

اما قیرغیزلر حالا بو حالک اهمیتنی دوشونمک ایسته میور لر. قیرغیزلر بوتعصب عریفه لرنده دوام ایدرلر سه وقت کلیرسه ایش ایشدن کچر. قیرغیزلر صحرائینک منبت یرلرینی روس مهاجرلری آیر. قیرغیزلر ایسه غیر منبت، صوسز محللره چکلمکه مجبور اوله جقلر، او حالده طبیعی حیوانلر اکسبله جک، قیرغیزلر فقر و ضرورتیه دوجار اوله جقلر. بو ایسه قیرغیزلر ایچون حیات، ممات مسئله سیدر.

مادامکه حکومت ویردیکی وعدنه طور میور، مادامکه او حکومت یاپدینی مقاوله سنی بوزیور، بوتقدیرده قیرغیزلر منبت یرلری کندیلری اشتغال ایدرک قریه لر بنا ایدوب مدیتسه باشلامه لیدر لر. اوز معیشتلری ایچون یک یبانی اولمین زراعتله مشغول اوله لیدر لر.

اگر قیرغیزلر منبت یرلرینی کندیلری ضبط ایدرک قریه لر بنا

ایدوب زراعت کیریشدکلرینی حکومت و روس مهاجرلری کوریرلر سه او وقت مهاجرت مسئله سی ده یاواش یاواش کندی کندیته حل اولنه جقدر. چونکه قیرغیزستان کرچه یک واسع ایسه ده اوچده ایکسی صوسز، غیر منبت صحرا و چول قومدن عبارتدر. اگر بش میلیون انسان بردن مدیتسه باشلامسه قیرغیزستانه مدنی یاشامق ایچون مستعد منبت اراضی کفایت ایدمه جکدر. بوتقدیرده هجرت مسئله سیده کندی کندیکنندن حل ایدیه جکدر.

فی الحقیقه روسیه حکومتک بوتکلینی قیرغیزلری مدنی یاشامق ایچون یاپیللمش برتدیر اولیوب قیرغیزلرک طبیعتنی یک ای بیلدیکنندن قیرغیز اراضیسی مصادره یولنده کی حرکتک مسئلوتنی قیرغیزلرک کندیلرینه یوکلنمک فکرندن ناشیدر.

و. انوری

مابعدی وار

روسیه مسلمانلری

روسیه اداره سنک اداره مشروطیه دیکشیدیرلمسی و بتون روسیه اهالیسنک قانون مدنیلری اولان حریت شخصیه، حریت اجتماع و حریت مطبوعاتک هیچ روجه له صیقیشدیرلمه سی حقنده کی ۱۹۰۵ سنه سنده ۱۷ نجی تشرین ثانی «مانیفست» ی [خط جاری] بتون تاتارلرک احوال سیاسیله لرینی دیکشیدیرمش و آنلر ده روسیه نک کوله لری دکل، روسیه نک دیگر اهالیسیله حقارنده مساوی اولدیغنی بیلیدیرمش ایدی.

بومانیفست هر نه قدر تطبیق ایدله مشه ده، حریت شخصیه اعلان ایلدیکی کونده بتون روسیه نک سوقاقلری انسان قانیله بویانمشه ده بزم تاتارلرک حیاته ده بومانیفستک بیوک تأثیری اولدینی انکار اولنه مز.

بتون روسیه اهالیسی کی بزده «حقوق، قوتله محفوظدر»، «حقوق ویرلمز، آیینر» قاعده لرینی خاطر دن چیقاردیغمز دن، شو حقوقلری مز محافظه ایچون بیوک بیوک قونلر تأسیسنه لزوم اولدیغنی و بیوک قوتلره استناد ایدمه مز سه ک روسیه نک استبداد جیلرینه مغلوب وله رق بتون حقوقلری غائب ایدمه جکمز دوشونمه مش ایدک، و دوشونلر مز اولدیه سیله بوفکری عموم اهالییه قبول ایتدیره مه مش ایدک. دها دوشونلری روسیه نک بتون اقتصادی، اجتماعی حیاتی قارمه قاریشیق کیتدیکی وقتیه بونلری دوشونمکه وقت بوله مه مش و استبداد جیلرک مملکتدن فرار ایتدکلری وقت بونلرک بردها حکومت باشنه کچه.

جکاربینی خاطره بیله کتیرمه مشدک، بتون روسیه ده اختلالک غلبه چالمه سی و بو اختلالجیلرک اقتصادی و اجتماعی ملی مسئله لر حقنده فکر. لرینک غایت کنیش اولمه سی ده حقوق ملیله لری محافظه ایدیه جکی حقنده بتون اهالیزه بیوک بر قناعت ویرمش ایدی. بونک ایچون اعلان حریت «مانیفست» نک باغیشلادیغنی حقوقلر سایه سنده بزکندی